

Lozcwngz: Foux Lungzfiengz Coux Hahceiq

罗城: 舞草龙迎夏至

Hahceiq yaek daengz, 6 nyied 19 hauh, gyoengq beixnuengx Mulajcuz laeng Lozcwngz Mulajcuz Swciyen Dunghmwanz Cin Mbanjgaeuq Sizveiz daenj buhvaq minzcuz sim' angq najriu foux lungzfiengz, langhbaij minzsug vwnzva cienzdoengj Mulajcuz hawj hekyouz. Foux lungzfiengz dwg cungj hozdung diyyuz cienzdoengj gwnzbiengz dieg de, vunzlai Mulajcuz aeu bae gyaepgouz rumz swnh fwn yinz, doengh gohaeux sou ndaej lai. Bi 2010, foux lungzfiengz Mulajcuz ndaej senj haeu swcigih gaep feihyiz mingzloeg.

(Liu Gvanghfuz/廖光福)

► Aen doih foux lungzfiengz yawhbw h foux lungz.



Yungzsuij: Minzcuz Diyyuz Angj Hwnjdaeuj

融水: 民族体育炫起来



6 nyied 17 hauh, Yungzsuij Myauzcuz Swciyen guh aen yindungvei minzcuz diyyuz. Daengx yienh miz seiqcib lai aen doih doxcomz aen diyyuz gunghyenz ndawyienh, doxdax rag gyong, bau aendom daengj hanghmoeg diyyuz cienzdoengj siujsoq minzcuz. Baez yindungvei neix dwg buek hozdung "vunzlai vwnzdij" angqhoh Yungzsuij Myauzcuz Swciyen laebbaenz 70 hopbi ndawde aen ndeu.

(Lungz Dauh Vangz Cwngz/龙涛 黄诚)

◀ Boux mehmbwk ndeu cingq camgya doxdax bau aendom.

Hocouh: Raemxdumh Gvaeghumx Lai Vunz, Bouxsiuhfangz Gaenj Bae Gouqcoengh

贺州: 洪涝致多人被困, 消防员紧急开展救援



▲ Doengh boux siuhfangz gouq vunzlai deng gvaeghumx okdaeuj.

Mboengqneix, Hocouh Si laebdaeb lai ngoenz doek fwnhung, raemx Dahho' gyangh hwnj-sang, mbanj honghhaw deng dumh, lai vunz deng homh. Doengh aen bumwnz siuhfangz gouqcoengh Hocouh Si haenqrengz youq baihnaj dingj raemx-rongz gouqcai, gizlawz miz cai couh bae daengz gizde, henhoh gij sengmingh anhcenz vunzlai.

(Liu Cujbingz/廖祖平)

Gojgaeq Iq Gvendaengz Minzcuz Doxgiet Baenaj Gvangjsih

广西民族团结进步小故事

Gyo Aen Dangj, Souj Simnduj, Vut Mingh Youq Gwnz Roen Banggunz

感党恩, 守初心, 将生命定格在扶贫路上

Vangz Vwnzsiu dwg dahsau Bouxcuengh, bi 1989 doekseng laeng Bwzswz Si Denzyangz Yen. Aen-ndang bohme de cungj mbouj ndei, ranz gungzhoj lai, baengh gij cwngcwz banghag guekgya, de cijndaej doegsaw bizyez. Vangz Cunghgez, daxboh Vangz Vwnzsiu naeuz: "Gou caeuq de gangj gvaq, mbouj miz gungcanjdangj, ranz raeuz couh mbouj ndaej duetgungz, caemh mbouj miz ndwenngoenz seizneix, itdingh aeu haeujdangj bw." Vangz Vwnzsiu geiqmaenh coenz vah daxboh, mwh hwnj dayoz bwnjgoh couh miznaj gyahaeuj

Cunghgoz Gungcanjdangj. De youq mbaw saw sinhcingj haeujdangj raiz naeuz: "Bouxvunz caenh dawz gij gyaepgouz swgheij yungzhaeuj lij-sienj aendangj bae, lijsienj couh engq hungmbwk. Vihle lix ndaej engq miz yiye, lix ndaej engq dij, gou gig muengh gyahaeuj Cunghgoz Gungcanjdangj." Yenzgiuswngh biz-yez youq hawsingz couh miz hong guh, hoeng de mbouj haengj, caenh naemj hwnqguh ranzmbanj, fugsach lajmbanj. Yienghneix, de doq ma Bwzswz aen ranzmbanj de guhhong, doekrag lajmbanj. Guh ndaej bi lai,

de caiq gag iugouz bae Bwzswz Si Lozyez Yen Sinhva Cin Mbanjbwnziz capmbanj guh boux suhgi daih' it. Lozyez Yen dwg aen yienh guekgya cawjdaeuz banggunz haifat ndeu, diuzgen rwix lai. Vangz Vwnzsiu yawj hong banggunz dangq "cangz-cwngh" moq, ciengzseiz aeu gij cingsaenz cangzcwngh gujli swgheij caeuq bouxdaih, cug ranz bae ranzgunzhoj mo cingcu cingzvang, dauqcawq ra hanghmoeg ra ngaenz bang vunzlai gaijgez hojnanz. Mwh de guh boux suhgi daih' it, bak lingz sam ranzungzhoj Mbanjbwnziz ndawde couh miz betcib bet hoh

ndaej duetgungz, aen hanghmoeg ginghei cizdij ndawmbanj souhaeuj fan boix ndeu. Bi 2019 ndwen 6 ngoenz 17 gyanghwnz, Vangz Vwnz-siu byaij roenlaep soemhfw ma Mbanjbwnziz bang ndawmbanj fuengz raemxdumh dingj raemx-rongz, mboujliuh, buenqroen roeb raemxrongz dengnanh. De ngamq ndaej samcib bi, couh vut mingh youq gwnz roen banggunz, aeu ciuhvunz gyaeunde geqgangj gij simnduj sawjmingh vunz gungcanj-dangj.

(Gvangjsih Minzcuz Yenzgiu Cunghsinh hawj gauj)